



PR780A-Subvencións destinadas ao financiamento de plans de formación das entidades locais.

Asunto: Resolución de adxudicación

ANTECEDENTES

1. Mediante Resolución da Escola Galega de Administración Pública (EGAP) do 8 de maio de 2020 (DOG núm. 96, do 19 de maio) aprobáronse as bases reguladoras e convocáronse subvencións, en réxime de concorrencia competitiva e en réxime de concorrencia non competitiva, destinadas ao financiamento de plans de formación das entidades locais de Galicia no ano 2020, no marco do Acordo de formación para o emprego das administracións públicas.

2. Acolléndose á dita convocatoria, presentaron solicitudes de subvención para executar a actuación referida as seguintes entidades:

A FEGAMP, o Concello da Coruña, o Concello de Vigo, o Concello de Cangas, o Concello de Pontevedra, a Deputación Provincial da Coruña, a Deputación Provincial de Lugo, a Deputación Provincial de Ourense e a Deputación Provincial de Pontevedra.

3. Logo de revisar as solicitudes e as emendas feitas, con data do 22.07.2020 reuniuse a comisión de valoración prevista na convocatoria para a análise das solicitudes presentadas, propoñendo a seguinte valoración:

A FEGAMP: 59,5 puntos; o Concello da Coruña: 37 puntos; o Concello de Vigo: 35 puntos; o Concello de Cangas: 19 puntos; o Concello de Pontevedra: 45,9 puntos; a Deputación Provincial da Coruña: 68 puntos; a Deputación Provincial de Lugo: 54,7 puntos; a Deputación Provincial de Ourense: 61,30 puntos e a Deputación Provincial de Pontevedra: 58,5 puntos.

4. Con data do 24.07.2020 reuniuse a Comisión Paritaria de Formación Local da Comunidade Autónoma de Galicia e emitiu informe sobre os anteditos plans de formación, resultando aprobados todos eles agás o do Concello de Cangas .

5. Con data do 29.07.2020 o órgano instructor enviou os requirimentos de adaptación, ás entidades promotoras dos plans de formación local, ao importe concedido, a excepción do plan presentado pola FEGAMP, cuxo importe solicitado coincide co importe da axuda concedida.

6. Dentro do prazo concedido, as entidades requiridas achegaron, mediante o procedemento exixido, as súas respectivas adaptacións. As adaptacións presentadas contan coa conformidade da Comisión de Valoración.





7. Con data do 01.09.2020 o órgano instrutor realizou a proposta de resolución de adxudicación das subvencións destinadas ao financiamento dos plans de formación das entidades locais de Galicia.

CONSIDERACIÓNS LEGAIS E TÉCNICAS

Primeira. De acordo coa base 12ª da convocatoria, a resolución de concesión das subvencións que se outorguen será competencia da directora da EGAP. Esta resolución dítase logo dos informes que se mencionan na base 14ª.

A dita competencia atópase delegada no secretario xeral da Escola en virtude do disposto polo apartado primeiro letra i) da Resolución do director da EGAP do 17 de decembro de 2007.

Segunda. Segundo a base 14ª.1 da convocatoria, a Comisión Paritaria deberá emitir informe e aprobar con carácter previo os plans de formación que concorran á convocatoria de subvencións.

O citado órgano emitiu informe favorable de concesión das subvencións o 24.07.2020 e para determinar o importe do investimento subvencionado ou custo elixible e fixar a contía máxima de axuda, tivéronse en conta os criterios recollidos na base 15ª das bases reguladoras da convocatoria.

Terceira. De acordo coa base 14ª.2, á vista do expediente e do informe da Comisión Paritaria, o órgano instrutor elaborará a proposta de resolución de concesión de subvencións, debidamente motivada e na cal constará a relación de solicitantes para os que se propón a concesión da axuda e a súa contía.

Con data do 01.09.2020 o órgano instrutor formulou unha proposta de resolución na que se propón a adxudicación de subvencións a todas as entidades solicitantes a excepción do Concello de Cangas.

A este último respecto cómpre ter en conta que a base 13ª.4 sinala que aqueles expedientes administrativos “que non cumpran coas exigencias contidas nestas bases ou na normativa de aplicación, ou que non conteñan a documentación necesaria, serán obxecto de resolución de denegación”.

Unha das exigencias contidas nas bases é a recollida na base 15ª.1 que sinala que “para a súa aprobación, o plan presentado deberá obter unha puntuación mínima de 35 puntos”. Todos os plans presentados superaron esta puntuación mínima a excepción do plan





formulado polo Concello de Cangas que foi puntuado con 19 puntos, razón pola que na proposta de resolución do órgano instrutor sinalase a procedencia da denegación da subvención solicitada para este plan, o que debe ser declarado mediante esta resolución.

Cuarta. Segundo a antedita base 13ª.5 “cando o importe da proposta de subvención sexa inferior ao que figura na solicitude presentada, instarase a beneficiaria para que no prazo de quince días reformule a solicitude e adapte o plan de formación ao devandito importe, respectando, en todo caso, as directrices do plan inicial. Os órganos de valoración darán a súa conformidade ás adaptacións”.

Con data do 29.07.2020 o órgano instrutor enviou os requirimentos de adaptación ás interesadas a adaptación da súa solicitude ao importe concedido. Para isto concedéuselles un prazo de quince días, advertíndoselles de que se non se producía a reformulación no prazo mencionado, se lles declararían desistidas de súa petición.

Dentro do prazo concedido, as entidades requiridas achegaron, mediante o procedemento exixido, as súas respectivas adaptacións. A comisión de valoración deu a súa conformidade ás adaptacións realizadas.

Quinta. Segundo a base 14ª.3, elaborada a relación de solicitantes para os que se propón a concesión da axuda e a súa contía, “e sempre con anterioridade á resolución do procedemento, efectuarase o trámite de audiencia, por un prazo de 10 días. Con todo, poderá prescindirse do trámite de audiencia cando non figuren no procedemento nin se vaian ter en conta na resolución outros feitos, nin outras alegacións ou probas que as aducidas polos interesados”.

Neste procedemento só se tiveron en conta aqueles feitos, alegacións ou probas aducidos polas propias interesadas, polo que se prescindiu do trámite de audiencia.

Sobre a base dos anteriores antecedentes e consideracións legais e técnicas e na Lei 39/2015, do 1 de outubro, de procedemento administrativo común das administracións públicas e a normativa vixente en materia de subvencións, **RESOLVO** :

Primeiro: Conceder as axudas económicas para o financiamento dos plans de formación das entidades que se reflicten no anexo, con indicación das beneficiarias e o importe da axuda. O gasto orixinado polas ditas subvencións impútanse ás seguintes aplicacións orzamentarias:

1º 05.80.122B.460.1 para as subvencións de plans unitarios e plans agrupados

2º 05.80.122B.481.0 para a subvención do plan interadministrativo





Segundo: Informar ás adxudicatarias de subvencións con importe non superior a 18.000 euros que, de acordo co disposto pola base 21ª, **poderanse realizar pagos anticipados por importe ata o 80% da subvención outorgada**, que suporán entregas de fondos con carácter previo á xustificación, como financiamento necesario para poder levar a cabo as actuacións inherentes á subvención. As entidades beneficiadas deberán xustificar o pagamento que da lugar a subvención de acordo co previsto na base 23ª da convocatoria.

Terceiro: Advertir ás entidades beneficiarias do seguinte:

1. Só serán subvencionables os gastos que se realicen entre o 1 de xaneiro e o 15 de novembro de 2020 e que se atopen efectivamente pagados o 3 de decembro de 2020, data de finalización do período de xustificación.

A partir do momento da adxudicación das subvencións, as entidades beneficiarias poderán modificar os seus plans de formación, debendo realizalo mediante solicitude que se dirixirá á EGAP antes do 15 de outubro de 2020, unicamente no caso daquelas modificacións que se consideren substanciais.

2. A xustificación realizarase mediante a achega á EGAP da correspondente conta xustificativa na forma e que se determina na convocatoria na súa base 23ª.

3. De acordo co establecido no artigo 45 do Decreto 11/2009, do 8 de xaneiro, se transcorrido o prazo de xustificación a beneficiaria non presenta a documentación xustificativa, a EGAP requirirá para que no prazo improrrogable de 10 días, sexa presentada, con apercibimento de que a falta de presentación dará lugar perda do dereito ao cobramento total ou parcial da subvención, á exixencia de reintegro e ás demais responsabilidades establecidas na lei de subvencións de Galicia.

4. As beneficiarias deberán incorporar de forma visible no material de difusión das actividades formativas subvencionadas o seu financiamento público.

Cuarto: Denegar a concesión da axuda ao Concello de Cangas por non superar o seu plan de formación o limiar de 35 puntos fixado na base 15ª da convocatoria.

Quinto: Ordenar que se notifique esta resolución de concesión mediante o Sistema de notificación electrónica de Galicia-Notifica.gal despoñible a través da sede electrónica da Xunta de Galicia(<https://sede.xunta.gal>), coa advertencia de que unha vez transcorridos dez (10) días naturais desde a posta a disposición da notificación sen que se acceda ao seu contido entenderase rexeitada.





XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA



Rúa Madrid 2 – 4
15.707 – Santiago de Compostela
Tfno: 981546257. Fax: 981546337
xestion.egap@xunta.gal
<https://egap.xunta.gal>

Contra esta resolución, que pon fin a vía administrativa, poderase interpoñer con carácter potestativo, recurso de reposición ante a directora da EGAP, no prazo dun mes contado desde o día seguinte ao da notificación da resolución nos termos dos artigos 123 e 124 da Lei 39/2015, de procedemento administrativo comúns das administracións públicas, ou directamente, recurso contencioso administrativo perante a os xulgados do contencioso-administrativo de Santiago de Compostela no prazo de dous meses contados desde o día seguinte ao da notificación da resolución, de conformidade co establecido nos artigos 8.2 a), 14 e 46 da Lei 29/1998, do 13 de xullo, reguladora da xurisdición contencioso-administrativa.

Asinado dixitalmente en Santiago de Compostela

A directora da EGAP

P.D. (Resolución do 17.12.2007, DOG. núm. 3, do 02.01.2008)

Secretario xeral da EGAP

Sergio Domingo Baamonde Boquete



Xacobeo 2021





ANEXO I: PLANS APROBADOS

Plan unitario			
N.º expediente	Beneficiario	Orzamento solicitado	Importe da axuda concedida
6	Concello de Vigo	60.378,60€	16.530,14 €
4	Concello de Pontevedra	26.792,50€	5.870,63 €
8	Concello da Coruña	163.555 €	18.073,76 €

Plan agrupado			
N.º expediente	Beneficiario	Orzamento solicitado	Importe da axuda concedida
2	Deputación Provincial de Lugo	79.585 €	52.884,30€
5	Deputación Provincial da Coruña	293.146 €	103.422,77 €
7	Deputación Provincial de Ourense	276.449,90€	58.280,90 €
3	Deputación Provincial de Pontevedra	112.410€ €	75.479,54 €

Plan interadministrativo			
N.º expediente	Beneficiaria	Orzamento solicitado	Importe da axuda concedida
1	Federación Galega de Municipios e Provincia	73.301,45 €	73.301,45 €

ANEXO II: PLANS NON APROBADOS

	Concello de Cangas	-	-
--	--------------------	---	---

